


帶經堂集

~~6883~~

12219




deli 得力集团有限公司
浙字02260122号 No.6230

帶經堂集卷十六



書
歙門人程哲校編



懷清園移交黃蘗秋書



810.72

W238

V4

6883

12219

103646

帶經堂集卷十六

漁洋詩十六

甲辰稿

○陳生行戲送其年歸陽羨

陳生陳生爾既不能入淵
 斬長蛟又不能登山射
 猛虎復不能止賴作橫苦
 鄉里十載哦詩守環堵
 徒抱輪囷一片心藜藿
 黽黽相枝拄昨日渡江來
 今復渡江歸運租船上苦
 憔悴風高浪湧橫江磯
 朝來寄我新詞句明月無
 情蟬鬢去五湖歸去伴
 漁竿楓岸蘆汀不知處季
 鷹鳧鱸膾思江東我亦年



書
 歙門人程哲校編
 新城王士禎貽上



懷清園移交黃蘗秋書

年歎轉蓬期汝扁舟同射鴨銅官山下竹枝弓

黃文在至自宛陵始得愚山辛丑湓口見懷

詩奉答

不知何處碧雲思水落巴丘雁到時黃木江前三

百字春陵心事杜陵詩

愚山寄彈子嶺歌等數篇古雅
悱惻元道州春陵行之遺也

送汪季角之宛陵

汪生開美度詩似謝元暉解道澄江練知音絕世

希陵陽秋色遠春穀晚鐘微相送揚州郭蕭蕭南

雁飛

寄懷許三竹隱思州

別君五載洞庭秋思逐飛蓬賦遠遊藥物時應防

寄懷許三竹隱思州

別君五載洞庭秋，思逐飛蓬賦遠遊。
藥物時應防瘴癘，才名空是動邊州。
江山萬里摩圍閣，雲樹三春甲仗樓。
寄語黔安老居士，好傳清咏化蠻謳。

用韋寄全椒道士韻追贈全樹吳先生國器

全椒有五吳君其四皆進士高第仲獨山中學仙叔編修季給事兩君者皆與余交好順治庚子辛丑間嘗戲謂編修君當擬韋蘇州全樹道士詩寄贈忽忽忘之今康熙甲辰仙人已化去兩君皆官京師而予尚居淮南追憶曩昔之語遂成此篇

先生謝人世，逍遙友園客。
時登雲外峰，自埽峰頭石。
山深不知晚，采藥恒日夕。
興盡下山時，杳杳麕麕跡。

懷伯璣南昌二首

當代陳無已栖栖竟白頭三洲歸作客五字遠工
愁溢浦風潮滿匡山木葉秋經年斷消息何事只
淹留

公子秦川貴飄零感盛時田園非阮曲別業寄鳩
茲擲拂名僧對吟詩小婦知秦淮舊風月衰柳幾
行垂

○將往金陵辟疆攜歌兒見過同坦菴先生于
皇邵村不雕文在小集作

天涯倦客此宵同銀燭湘簾五夜風殘月空堂弦
拉雜早潮江岸唱玲瓏鶯花上日連秋社絲竹中

年感謝公明發白沙洲上櫂橘林楓葉雨濛濛

拉雜早潮江岸唱玲瓏鶯花上日連秋社絲竹中

年感謝公明發白沙洲上櫂橘林楓葉雨濛濛

夜泊江口聞笛寄家兄四首

雲水正寥落笛聲何處生颯然秋思滿不覺有離
情涼月閣邊水西風江上城何須武溪曲辛苦怨
南征

揚子江頭月流光千里餘美人臨水別隔歲幾行
書霜落吹羌笛煙深聞夜漁調高風籟寂流怨滿
空虛

半夜蒼龍吟能傷楚客心離人歌水調清怨激楓
林估舶不能發江波此夕深夜寒沙雁起縹緲竟

二百八十
難尋

李暮天寶伎裂竹老龍驚此夜瓜洲渡風高白浪
生精靈泣相語雲月皓將盈入破那能寐依依隴
水清

○江上讀韋詩作二首

彈琴向空江夜靜見江月水波正遙裔河漢坐超
忽五絃泛波濤餘音散林樾沙邊鶴唳遠煙中人
語歇何處楚山青孤帆遠將沒獨有韋郎詩依依
伴清絕

嘒嘒水雲外肅肅沙禽飛焚香展瑤席風露沾人

衣幽懷感湘靈環珮雲中歸遠志希嵇阮近思慕

伴清絕

嘒嘒水雲外肅肅沙禽飛焚香展瑤席風露沾人

衣幽懷感湘靈環珮雲中歸遠志希嵇阮近思慕

陶韋

蕭尺木楚詞圖畫歌

大江秋老歌離騷江波瑟瑟風刁刁怪石龍嵒壓
崩濤猩猩嘯雨悲猿猱楚纍一去二千載使我後
死心勞忉齧桑敗盟西帝驕商於六百橫相要武
關一入不復返章華臺殿生蓬蒿江潭憔悴子蘭
怒蛾眉謠詠羌安逃長楸龍門望不見木蘭桂樹
棲鴟梟騏驎不御愁跼跳菘菹藟藟糝申椒呵壁
荒唐罷天問沅湘西逝魂難招蕭梁王孫筆佹僞

攀挈顧陸提僧繇丹黠粉黠寫此本墨花怒卷湘
江潮湘君夫人降荒忽國殤山鬼來蕭颺青楓斑
竹染啼血靈風神雨紛飄颺酒闌歌罷老蛟泣星
辰迸落江天高

瓜步鎮渡

秣陵方悵望瓜步屢洄沿漁浦連江口歸潮落渚
田風帆入空靄雲木秀通川一聽濯纓曲深知漁
父賢

宿弘濟寺

名藍敞積翠遙夜開禪關山半聞清鐘夢覺心亦

閒飛雨灑江介流雲滿空山五載復投止塵勞慚

名藍敞積翠遙夜開禪關山半聞清鐘夢覺心亦
閒飛雨灑江介流雲滿空山五載復投止塵勞慚
昔顏

題弘濟寺方融道人壁

曾挈軍持伴領軍五年重訪鹿麋羣天花尚散空
江雨龍氣仍蒸下界雲鉗拂不辭衝虎過梅檀常
是逆風聞聽鐘又逐驚蓬去山木蒼蒼落日曛

渡江中流作

擊汰金陵岸溶溶曉氣分潮迴落沙嶼帆遠入江
雲霽景中流見秋風天外聞時清餘戰壘重弔水
犀軍

皇廠河道中二首

繫纜臨江澣沿洄復幾重沙鷗荷港雨水牯柳塘
風潮汐時皆應烟波態不窮欲從詹尹卜來作祝
雞翁

雲影稻畦浮清泉更曲流江鄉宜晚照水草入涼
秋沙鳥飛還歇菱絲散復留漸臨瓜步岸花外幾
漁舟

○瓜步道上感成寄西樵先生

烏柏紅梨漸有霜雲山頽澹滿斜陽一行新雁滄
江闊十里西風杜若香飽及朱儒臣朔死放來正

則子蘭狂與君南北愁俱老下澤何年返故鄉

江闊十里西風杜若香飽及朱儒臣朔死放來正
則子蘭狂與君南北愁俱老下澤何年返故鄉

寄其年

陳生湖海士搖落更相思成佛先靈運前身是總
持窮途聊慢世曠代一稱詩太息銅官下迎寒葺
舊茨

和西樵古風八首

祁射毀唐姑上官讒靈均直道不見容坎壈纏其
身昔者魯仲尼虎兕悲在陳反琴兩柱間修樂忘
苦辛至哉大聖言諸子皆幸人

幽蘭在深谷無人自芳菲過時不見采嚴霜將悴

之何況當門忌鉏刈方見施藤蕪羅堂下苦桃列
中達昔為王者香今同秋草萎

吳王登狙山羣狙皆避徙一狙獨委蛇伐巧搏捷
矢再射巧有餘三射遂執死聰明適自煎何事矜
僮詭所以顏不疑歸師董梧子

盜跖視伯夷誰為貪與廉步光語鉛刀誰為頓與
銛陵陽削楚國墨翟突不黔貳負被桎梏胥靡亦
髡鉗忍辱希仙人寵下師老聃

西登九折坂險徑極羊腸南顧三江流懸水千仞
強豺虎嘯菁林顛眉顛來無方一為篋篋謠使我心

煩傷忠信錯吾軀可以涉呂梁

強豺虎嘯箐林顛眉顛來無方一為筮篋謠使我心
煩傷忠信錯吾軀可以涉呂梁

束髮好奇服遠遊慕神仙長佩何陸離岌岌切雲
冠仁羿非凡流游戲崑崙巔白日忽已晚中道成
屯遭雄虺九其首跣踢當我前猛虎善噬人不避
豪與賢嗟哉不可遊歸歟問筮篋

側聞大荒中有山曰門戶曰醴復有綦縣連競相
附我欲登此山捷徑窘恒步迴車長太息徘徊首
東路

鄭季有孽子少小為人奴騎從平陽主給事建章
居朝拜大將軍封侯詫鉗徒遂復還尚主賜第耀

通衢隴西老飛將素臂雄萬夫白首不得侯心折
莫府書誰能對刀筆臨風自捐軀天道有如此千
古同欷歔

枕上聞雁懷家兄二首

年來畏作寄兄詩吟不成聲萬淚垂信有車輪腹
中轉誰憐石闕口銜悲緜緜夜雨傷神日寂窳高
齋聽雁時午夜旁皇攬衣起附書一寄老坡知
重陽風雨又漫漫揚子潮迴木葉殘問事經時稀
北客思兄何日脫南冠黃楊巧厄偏逢閏松柏難
彫且耐寒最苦魂飛湯火日淚痕持寄卯君看

九日送程五周量之京因寄家兄

彫且耐寒最苦魂飛湯火日淚痕持寄卯君看

九日送程五周量之京因寄家兄

嶺嶠頻聞未息兵故人相見喜還驚飄零舊侶今
餘幾風雨重陽又送行身滯五年淮海路魂銷三
別廣陵城憑君寄語東坡老淚盡連宵北雁聲

得朱修齡彭城書評家兄消息

忽見彭城使相思一寄聲逍遙堂後木知我此時
情

名伯斗野亭懷古寄于皇

蘇公與少游莘
老諸公賦詩地

斗野亭前望平楚依然遠碧水連空羣賢翰墨思
元祐六代風流續謝公蟹舍蕭條楓柏外漁蠻烟

火荻蘆中詩成吟望無人會寫寄黃州杜水東于皇

詩馮將骨與青山誓
老號詩人杜水東

舟中即目寄招西樵先生

時初蒙
恩宥

慚愧滄洲漁父賢枳花門巷枕清川翁孫竹向沙
頭長子母鳧來舍後眠何氏弟兄今已老柏臺魂
夢苦相牽須知菰米江東美待咏槎頭縮項鱸

過禪智寺

曾詠南風草木香顙公名與碧流長誰能更拾吹
來句自聽鐘魚到上方

憶明湖

一曲明湖照眼明越羅吳縠翦裁輕煙巒濃澹山

憶明湖

一曲明湖照眼明
越羅吳縠翦裁輕
煙巒濃澹山千疊
荷芰扶疎水半城
歷下亭中坐懷古
水西橋畔卧吹笙
鵲山寒食年年負
那得樵風引櫂行

題豹人小像

絕磴長松不世情
科頭箕踞一先生
胸中磊塊無人語
落落琴聲大蟹行

義羸行

張行人鶴洲訟繫西曹以常所乘羸抵浦于人羸悲鳴不食一日墮其新主自逸歸家兄與張子同

患難目擊其事感之作義羸行予屬和焉

我聞名駒太乙生
渥洼又聞皇人之馬
歎玉沙汝羸品流不及此
乃能與人同生復同死
新主甲第

高峨峩黃金作埒白蜃珂舊主失勢困泥淖但有
青蠅日相弔寧教困餓烏啄瘡不忍雕鞍繡轂交
輝光吁嗟羸乎羸乎汝知免獨不見袁粲門生不
如犬

○題半山道人畫呈愚山

蘆荻沒寒煙空江正蕭槭何處扣舷人知是陵陽
客

黃子久王叔明合作山水圖歌

附黃王二跋

有客示我七尺練云是黃王之合作粉墨駁蝕神
淋漓巖谷高深氣盤礴長林巨壑來畏佳飛鳥流

雲去寥廓空堂白晝生風霆飛瀑千尋競噴薄老

淋漓巖谷高深氣盤礴長林巨壑來畏佳飛鳥流
雲去寥廓空堂白晝生風霆飛瀑千尋競噴薄老
松撐突夜叉臂怪石縱橫鵝鸛啄澹如閒衲洗盃
坐怒如將軍拔劍斫石稜松鬣若無路忽向青冥
得樓閣峭壁無梯爰臂絕天外孤茅誰所縛將無
洪谷與關種筆有琴心師賀若滿堂動色神悄然
題字依稀辨黃鶴吳興清遠鷗波亭家法賢甥宛
如昨意匠慘澹經營成范緩倪迂大張拓富春老
人年九十煙雲供養窮三樂扁舟訪舊雪川來偶
從縑素論丘壑為添樵徑羸髻旋遠峰一角空中
落遠人無目樹無枝妙解通靈失糟粕吳興富春

幾百年此意天然殊斧鑿山人癖如阮宣子蠟屐
 猶堪代芒屨惜無劉尹買山錢苦向畫圖耽寂寞
 此中三日容坐卧便擬拂衣永棲託明年借汝春
 晝閒梅老無花竹生籜

僕暇日為郡曹劉彥敬畫竹趣圖甫畢而一峰黃處士見過僕出此
 求印正處士以為可為添一遠山并樵迳天趣迴殊頓增深峻矣時
 省郎耿君督兵華亭索僕畫甚急思拙筆弱
 頃刻不能就因輟此奉獻吳興王蒙謹題

叔明公子文敏公之外孫也天姿神品其于翰墨深入晉唐至于
 鑒裁尤所精詣鷗波之宅相非子而誰邪至正壬辰冬口人公望拜

錦秋湖竹枝三首

鵝鴨城邊望不稀汀洲水長荻芽肥慕容事遠傷
 春目斜日金鷺接翅飛

錦湖水色勝湘湖雉尾萼羹玉不如持謝江南陸

春目斜日金鷺接翅飛

錦湖水色勝湘湖雉尾尊羹玉不如持謝江南陸
內史酪漿還得似渠無

不論煙櫂與霜篷帆力真禁八面風北豸南鱸誰
辨得憑君博物注魚蟲

白沙江上雪却寄家兄揚州

停舟揚子縣支枕夜寒侵人語烟初暝雞鳴雪漸
深江天多曠望漁浦極楓林不見梅花閣煙波愁
暮心

○鑿江大雪歌寄家兄即用家兄敖陽雪中放

歌韻

夜聞威發曉漾潏衝寒四顧江天朗雲氣欲壓揚
子津濤頭直尖仙人掌平生愛雪勝瓊貝況復橫
江發奇賞朔風獵獵犯貂裘急霰霏霏灑烏榜大
澤蛇龍避寒蟄高天鷗鶻盤空響江南羣山張畫
屏玉笏嶙峋衰百丈隔江心馳茅山洞咫尺波濤
絕來往遙憶茅家好兄弟驂鸞騎鶴三峰上學仙
不能且學劍耳後風生致慨慷西郊大道接礪礪
霹靂鳴弓穿宿莽玉躡神駟氣清峻金毛湖鷹颯
蕭爽雄狐狡兔那得避雨血風毛灑原壤橫吹聲
中歌競病據鞍盤稍真吾黨歸來一笑臥煙蓬浙

浙江風吹五兩

中歌競病據鞍盤稍真吾黨歸來一笑臥煙篷浙

浙江風吹五兩

真州北郭即目

同雲壓江城曉出真州郭郭外斑竹林風吹殘雪
落

魏帝賦詩臺

在儀真北三里

城子山邊欲雪時賦詩臺畔起愁思五官只自臨
江歎笑斂孫郎帳下兒

曉次盱眙用韋韻

宵征望烟火際曉投山驛漁市連浦橋風帆競朝
夕山從淮楚青水下荆揚白誰識越鄉心栖栖廣

陵客

○ 盱眙懷帝尉建

昔賢矜拄笏偶寄一微官小邑如山塢高名薄建
安夕鐘千澗靜春雪九峰寒一勾玻瓈水懷人向

夜闌

縣有玻瓈泉

○ 南將軍廟行

在泗州南公
霽雲乞師處

范陽戰鼓如轟雷東都已破潼關開山東大半為
賊守常山平原安在哉睢陽獨遏江淮勢義激諸
軍動天地時危戰苦陣雲深裂背不見官軍至誰
歟健者南將軍包胥一哭通風雲抽矢誓仇氣慷

慨拔劍墮指忠輪困賀蘭未滅將軍死嗚呼南八

軍重天地時危單苦陞雲浩裂皆不見官軍至誰
歟健者南將軍包胥一哭通風雲抽矢誓仇氣慷

慨拔劍墮指忠輪困賀蘭未滅將軍死嗚呼南八

真男子中丞侍郎姚公閭也同日亡碧血爛斑照青史

淮山峨嵋淮水深廟門遙對青楓林行人下馬拜

秋色一曲淋鈴萬古心

蓮塘薄暮懷石步黃子

薄暮蓮塘驛山家正夕炊憶君殘雪外匹馬向鍾

離

戲贈虎兒兒子沆小字三歲能誦唐人詩數十首司勳兄與予戲為詩贈之

渠爺端合為詩窮喜汝吟詩繡襦中但得他年似

宗武老夫甘作杜陵翁

有憶

促疊蠻蠻漏滴壺紅鞞十隊舞氍毹狂夫閱盡南
朝豔不抵西樓一斛珠

奉酬西樵先生閣夜聞鶴垂示之作

楚江煙鶴鳴風雪蕭蕭夜十載別離心相對寒燈

下

帶經堂集卷十六

帶經堂集卷十七

歛門人程哲校編

帶經堂集卷十七

歙門人程哲校編

新城王士禎貽上

漁洋詩十七

乙巳稿

人日登真州天寧寺浮圖懷李退菴侍郎

時李

方屬疾

踏閣攀林到上方振衣千仞俯蒼蒼江皋騁望傷

春日人日登臨憶侍郎枚叔才情傳七發楚臣清

怨極三湘

李有憶洞庭詩最工

何時問疾來方丈乞取天花作

道場

○讀費密詩

成都跋道士萬里下峨岷虎口身曾拔蠶叢句有神大江流漢水孤艇接殘春二句密詩十字須千古何為失此人

○送家兄西樵游黃鶴山

抱琴向黃鶴言訪戴公家山路霽春雨遠江明落霞風吹石楠樹露泣櫻桃花明日西津渡從君問釣查

家兄信宿焦山有寄

聞君游松寥託宿招提境佇待江潮生茶香酒初醒松風流夕梵蘿月散清影暝坐歸鳥稀晚飯鐘

魚靜昔游不可忘夢向焦仙嶺

醒松風流夕梵蘿月散清影
暝坐歸鳥稀晚飯鐘
魚靜昔游不可忘夢向焦仙嶺

焦山古鼎詩三十四韻

曉入枯木堂怪禽驚翩翩清露滴松杪下見古鼎
蹲寶光耀昆吾中有飛廉魂上文為雷回下文為
雲紘獰狀饕餮伏兵氣蚩尤昏辛壬與丁甲世次
迷夏殷初疑周虎彝復惑虞雖敦尊從不可辨牛
豕誰能論瑰怪壓綠鼎譎詭旅紀甌蛟龍雜蚪蚪
五指不敢捫在胙想貝顛顛識字驚蜿蜒月黑鬼神
泣峽東波濤奔籀書失趨趨斯篆摧窺軻爰歷邁
府令凡將駭文園史游久已歿皇象不復存甄豐

與董道挾剔窮本根不遇博雅流孰為洗煩冤諒
比岐陽狩或河泗水淪山僧與道古感激聲還吞
分宜昔枋國氣勢傾崑崙斯鼎出京口上燭光網
緼役使萬指衆負戴千蹄捷大哉宗廟器詎屑豪
貴門威力鎮禪窟窳冥歸祇洹午夜鳴鐘魚清晝
啼林猿閱人恒沙劫如彼蝨在禪我昔訪焦先望
氣矜不言五年隔揚子無翻思騰蹇吾兄癖好古
八書探河源三日松寥遊坐卧忘踣喧扁列析螺
書卷尾搜蠹文作為奇偉辭大海搏鵬鯤春江壯
風霆響激雲濤渾三歎繼高唱海門上朝暎

坡公送李孝博詩石刻在禪智寺斷仆已久

風霆響激雲濤渾三歎繼高唱海門上朝暎

坡公送李孝博詩石刻在禪智寺斷仆已久
順治辛丑春禎曾步往訪之和詩一篇四
年來欲收拾補綴忽忽未遑康熙甲辰冬
量移主客行有日矣念往事耿耿於心乙
巳二月屬宗定九往營度靈隱碩公適飛
錫于此以一偈垂示輒與西樵定九各拈
二絕為答并堅斯約清明前七日

寒山拾得真朋友無著天親是弟兄浩劫西來重
會合上方禪屈記經行

草深一丈法堂前片石山門委斷煙大有因緣公

記取山櫻重向早春然
坡詩歸來春酒
凍共看山櫻然

為宗定八題張翀花卉

楚客寫香草汀洲蘭杜春芳香持作佩欲寄湘中

人

送家兄同無言游吳越二首

挂帆指吳會雲水空濛間上已美風景登臨散襟
顏湘湖萼正滑應上蕭然山共訪金庭宅淹留殊
未還

吾家王吏部江左有高名五字論詩品陰何欲比
清偶思鏡湖好忽作剡中行輸爾天都子逍遙訪

赤城

清偶思鏡湖好忽作剡中行
輸爾天都子逍遙訪

赤城

上已辟疆招同潛夫其年亦史山濤修禊水
繪園即事十首

懸雷山前春瀑晴洗盃池邊春水生
天氣殊佳臨解禊酒人兼作摘船行
延陵子房復不惡齊瑟吳歛皆有情
忽憶虹橋作寒食梨花千樹照蕪城

前年曾到湘中閣閣外天寒水方落
西風颯颯猿啾啾惜別懷君芳杜若
今來三月青春深浯溪窈窕
窈桃花林為右一曲答欵乃寫作雲山韶濩音

碧琉璃上雙玉壺蘭橈宛轉沿春蕪
未傳洛下羊

酪法且醉淮南櫻筍廚射雉城中煙景暮流鶯喚
人且須住回頭笑謝襄陽兒詎可搖鞭背花去

平山堂下五清明

甲辰紅橋賦
治春句也

草長鶯飛無限情不

怪老顛裂風景名園上日相逢迎銀箏初彈阮初
擘此夕留髡應十石春衣明歲杜陵游憶汝狂歌
拓金戟

西豪里中訪老友況復陳生與我厚辟疆園敞羅
羣賢大兒小兒唱銅斗煙際鷓鴣一隻飛吳歌水
調欲沾衣風光如此不成醉帽影鞭絲何處歸

陳公家近罨畫溪溪邊花草令人迷離墨山中一

宵雨竹雞白鷗相應啼先生大隱隱城市萬壑千

陳公家近罨画溪溪邊花草令人迷離墨山中一

宵雨竹雞白鷗相應啼先生大隱隱城市萬壑千
巖牕戶裏花朝已過上巳來日坐蜻蛉釣沙尾

迴溪綠淨不可唾碧蘿陰中櫂船過落花游絲春

晝閒獨許先生此高卧劇憐風物共披襟蕭然絲

竹皆清音永和三日今千載坐使清風滿竹林時出

文衡山蘭亭卷同觀

暮春三月為水嬉棠梨葉大山禽啼田家社酒壓
缸面雪白橙香玉練槌夜聽醉頭滴春雨曉報提
壺如潑乳醉鄉大戶百分空起喚花奴自搗鼓
唵唵一逕略徇紅地肺疑與朱陵通沅湘春水蒲

桃綠江籬蘭杜愁烟空主人少年登嶽麓祝融峰
頭幾回宿七十二峰羅戶庭日汲湘潭然湘竹
西樵山人剡中去古盍山人廣陵住漁洋山人來
東臯三日三唐對芳樹人生聚散不可忘且須痛
飲累百觴名山游罷共歸老笑玩麻姑手爪長

○上巳後二日吳陵舟中雨霰甚寒因懷家
大人與家兄已次吳江

小雪春陰水上城背篷獨聽短長更吳船此夜松
陵驛又過姑蘇一日程

寄家兄吳郡二首

解使良工鑄范蠡南陽一歎復何悲君行若過文

寄家兄吳郡二首

解使良工鑄范蠡南陽一歎復何悲君行若過文
臺側持取琴歌問樂師
宿甲東行盡廢蕪掖門空怨夾田夫闔閭城外青
山路灑酒荒丘弔玉鳧

靈雛便面

朱竹屏山偃折枝春鶯百轉姪人時當年若與寧
王去未必心情似餅師

海陵重赴雒皋武林使行再寄西樵

離居幾夜夢錢唐驛路重過射雉塲江上青山連
越絕風前白袷緩吳裝煙迷遠水行人少柳拂叢

祠春晝長西去廣陵三百里何堪東望語兒鄉

再泛水心園看月作二首

林塘自幽映况復清夜月輕舟漾浦潏習習涼颺
發竹深禽響亂徑僻人蹤滅島嶼已千尋川涂更
百折月影散水木光景紛奇絕孤篷泊煙霜澄懷
抱冰雪我有素心友掩關事禪悅噉粥日消散觀
道離言說示我秋水篇邈然寄寥泐遠寺傳鐘魚
空山鳴蜻蛚流連印渚游惆悵林中別

修林帶高館巖壑相因依水波澹瀟照雲霞收夕
霏遙遙暝色來肅肅沙鳥飛永懷謝希逸望古歎

知希斯人不可作乘月扣舷歸

霏遙遙暝色來。肅肅沙鳥飛。永懷謝希逸。望古歎
知希斯人不可作。乘月扣舷歸。

○雨夜懷其年園居

久客春向暮。歡游罷不適。孤館歇清漏。臥聞春雨
滴。暗蛩吟幽草。寒燈耿虛壁。念我同心人。咫尺何
由覲。雨聲湖上來。蕭條散蘆荻。此時掩關卧。應聽
林間笛。

○雨登湘中閣眺望

曠望臨清湘。楚天夜來雨。合沓連江潮。空濛散洲
渚。野鳧溼不飛。墟落遠堪數。漁榜沿迴谿。停橈飯
孤嶼。不見煙中人。但聞煙中語。

幽澹勝人

詠史小樂府三十首

讀三國志

小平津

望望北邙坂黃蒿長似人夜來螢火暗失路小平津

卿曹拜

欲得卿曹拜何妨破產求蒲桃元不惡一斛博涼州

殺田豐

長揖橫刀出將軍一代雄頭顱行萬里失計殺田豐

殺鞮歌

兒初復兒初君德及歷次人蓋方一又莫亂七口

豐

殺鞮歌

祝衎復祝衎君聽殺鞮歌瓜廬方一畝漢臘此中多

龐娥親

生女不如男所論非英雄不見龐娥親殺人都亭中

魏公奴

佞者東川至昌言玉版符不為劉氏客甘作魏公奴

赦雍齒

太息王髦劍前年殺孔融曾言赦雍齒地下愧素公

丹楊婦

一作崩城操三軍且莫哀丹楊使君婦縗經報讎來

卿慚長

可憐卿慚長陳德何涼薄不及朗陵公猶有荀文若

寄當歸

子義來江左青州名士稀丈夫死知己枉用寄當

歸

子義來江左青州名士稀丈夫死知己枉用寄當

歸

借荊州

將相江東美英風壓上流魯公最忠烈慷慨借荊

州

孫仲謀

猗兒健如虎高步跨江東孝廉殊娒媚人說紫髯

公鍾繇與曹不書顧念孫權了更娒媚

二喬曲

腹痛思前事分香惑後人二喬得佳壻不是洛川

神

赤壁戰

赤壁戰堂堂
屨巾繡衲襠
元戎在何許
願曲有周

郎

濡須督

濡須高會日
諸將在轅門
醉袒貂裘看
斑斑刀箭

痕

半英雄

龍鳳全歸漢
三分指掌中
惜哉雒城戰
失此半英

雄

滿伯寧

魯國真男子
關西社稷臣
阿瞞渾自可
滿寵爾何

滿伯寧

魯國真男子關西社稷臣阿瞞渾自可滿寵爾何人

趙子龍

大義辨國賊吾欽趙順平寧須法孝直方可制東征

捋虎鬚

足堪加帝股故態笑狂奴何如朱盪寇直捋大王鬚

華子魚

邴管持風節高名合作龍何人工賣國老竊博平

封

淮南畔

已兆金墉禍天生賈豫州淮南有三畔大義照千

秋

費文偉

費公能辦賊嚴駕且圍棋賭墅東山者風流自汝

師

兩酒人

生乞步兵廚死葬陶家側一時兩酒人亦足張南

北

阮嗣宗

北

阮嗣宗

阮公泯臧否龍德超嵇呂曼嘯離人羣蘇門尋白
杵

大討曹

石馬來張掖公然大討曹可知北部尉典午啓塗
高

青頭雞

今年賜劍履明年假黃鉞可憐青頭雞躊躇不得
發

拜三郎

益部下龍驤公孫讖不妨昨朝石印發天子拜三郎

鍾會母

白帽滿成都鷓鴣飛且呼不知鍾士季何以報菖蒲

綿竹戰

吳漢分龍虎終憐石子岡何如綿竹戰父子死堂堂

陰平道

忽鑿陰平道中山王氣收英靈歸北地敗國恨譙

周

忽鑿陰平道中山王氣收英靈歸北地敗國恨誰

周

吳門袁重其過訪詩以贈之

河豚已過鮒魚來江帆五兩當風開
京江老須拜別三歲一月無書心百迴
清晨打門報書至發函先識袁絲字廿載人傳
厨顧名和丸翦髮驚奇事袁生素生生不願作萬戶侯
結交四海皆英流子為名士母賢母此事足以光千秋
洞庭之水三萬頃中連四州涵溟滓我願此水化酒歸
金壘持壽麻姑駐光景愍孤家世忠孝俱此人三歎
居菰蘆黃梅雨近客衣溼畫舸尋君宿太湖

帶經堂集卷十七

帶經堂集卷十八

歙門人程哲校編

帶經堂集卷十八

歙門人程哲校編

新城王士禎貽上

漁洋詩十八 乙巳稿

真州天寧寺

修竹有微徑朝日莓苔痕塔影落煙郭經聲殷寺
門簷鈴風中語江燕雲際喧心清無住著遂契無
生言

慧日泉

禿鬚先生六日年清泠猶是映江天自憐五載真
州客初試東坡慧日泉

登康山有感

山在揚州新城對山罷官後南游江淮嘗彈琵琶於此山因得名

西望武功幾十里康山今日試登臨依依正德年

中事咄咄東陽廢後心慢世風流傳願曲憑高雲

物動霑襟浮名身後何須問一代康王並陸沉

謂漢

也陂

○金陵道上

乍疎乍密秧針雨時去時來船趁風五月行人秣

陵去一江風雨晝濛濛

牛首同方爾止

天闕迢迢畫不如松陰一道入清虛稻花風外聞

山磬田水聲中度筍輿白氎書藏雙樹裏赤頰僧

天關迢迢畫不如松陰一道入清虛稻花風外聞
山磬田水聲中度筍輿白氎書藏雙樹裏赤頰僧
記六朝餘龍眠詩老能招隱兜率巖前擬卜居

登天闕望金陵懷古

我登牛首山天闕何厓厓上造青雲端下瞰無端
倪壯哉六朝都佳麗誠在茲龍虎氣盤鬱將相羅
雄姿緬思赤烏年爰逮太元時五馬浮渡江一馬
獨權奇桓桓始興公幕府陳軍麾懿此帝王宅雙
闕衛京師青山似洛陽大江環四垂智力邈千載
興廢如弈棋江山看不殊俛仰自生悲北眺元武
湖蔣山虧蔽之博望峙西南列戍多旌旗時清異

偏安憑弔將奚為
落照橫江流萬里
天風吹壯心
不可已
淚下如綆縻

兜率巖鐵漢和尚所居觀戴務旃畫東峰和尚

獨居巖上數十年以
二猿自隨不與人接

東峰插天半
兜率極雲端
坐愛楚江晚
不知風氣寒
高僧去已久
神異留人間
蒼須兩猿子
夜月嘯空山
花蕊照苔壁
藤蘿纏瓦官
白拂猶挂牕
斯人幾時還
戴生歷陽秀
覽眺窮緣攀
目注三山流
毫素生層巒
朱夏凜冰雪
青天起波瀾
譬如御風行
泠然天宇寬
披圖一再歎
落照迴禪關

一 鐙樓與爾止
夜坐懷愚山
臨江

泠然天宇寬披圖一再歎落照迴禪關

一 鐙樓與爾止夜坐懷愚山臨江

牛頭高處宿初夏似涼秋蕭颯青林外西風月滿樓
故人皖山隱高詠繼前修共憶蕭江客清猿起夜愁

棲霞天開巖觀禹碑

一線鼯鼯徑探奇策短筇鸞飄將鳳泊如在祝融峰

中峰澗二首

中峰新雨後一瀨濺人衣時復長松下山僧夜獨歸

石流經屢涉迢迢還獨往舉頭望中峰猶在青霞
上

雨夜宿德雲菴

精舍千峰上禪關掩白雲下方羣動息風雨夜深
聞瀑布遙爭落松聲溼不分却愁屐齒滑絕頂開
氤氲

德雲菴曉起

宿鳥驚寒解報更夜聞林雨達天明迢迢絕澗千
重瀑窸窣中峰一磬聲

雨中將往華山同爾止坐紫峰閣

寂歷山中雨僧房晝掩門還來紫峰閣解帶共清

雨中將往華山同爾止坐紫峰閣

寂歷山中雨僧房晝掩門
還來紫峰閣解帶共清
言危溜千巖落中峰一澗喧
誰知江令宅今是給
孤園

○華山道中即事

萬山堆裏看雲松
曲崦幽溪復幾重
為愛泉聲過
林去不知煙寺遠
聞鐘

龍潭登舟棲霞僧相送

昨朝山中雨惆悵中峰別
回望上方人雲嵐但明
滅龍潭復相送江晚潮如雪
瀏瀏巖際風皎皎波
間月世外本忘情幽懷無
斷絕終卜僧紹鄰長茲

味禪悅

江行回攝山絕頂

順流快張帆北風利夕渡卧聞舟人語遙指棲霞
樹絕頂見茅茨正在雲生處昨為攜筇客心知籃
輦路復茲局務牽悵別青山去

○尋舊院遺址

香豔銷沉盡空尋舊板橋人稀春窸寂事去雨瀟
瀟黃蝶飄寒圃青溪咽暮潮鷺峰寺前柳搖落亦
魂銷

淳化關道中望茅山

解組初辭郡離羣欲上浮懷仙來句曲采藥到茅

淳化關道中望茅山

解組初辭郡，離羣欲上浮。
懷仙來句曲，采藥到茅州。
東望朱陽館，長思許遠遊。
何當餌南燭，頽景駐千秋。

句容道中雨

江縣黃梅雨，行人欲授衣。
秣陵殘照斂，句曲晚雲歸。
塵鞅何時返，仙山遠更違。
那能乘白鶴，上薄玉清飛。

周郎橋

暮雨丹楊道，蕭蕭送客裝。
斷橋連廢壘，遺蹟感周郎。
姓氏傳江夏，山川遶建康。
名流江表盡，佇立野

二五七十八
蒼茫

雨宿山家二首

鬱岡山下雨瀟瀟
山店寒更斷麗譙
遙憶青溪楊柳岸
一篙新綠漲江潮

方諸玉具碧雲間
也擬游仙駕鶴還
一夜潺湲秣陵雨
白羊門外失茅山

金陵輓陳士業徵君兼寄伯璣四首

昨朝揚子縣遠接豫章書
五字詩殊妙三都序不

如士業序余論詩絕句便為絕筆人來青溪曲
葉下白門初再有西江

信真成腹痛餘

板蕩崇禎末先生宰晉州
中山翻得謗孟博竟同

信真成腹痛餘

板蕩崇禎末先生宰晉州中山翻得謗孟博竟同

收歸隱康王谷讀書章貢樓君所居曰章貢讀書樓悲哉耆舊

盡流水咽三洲

上流豫章郡高步有三陳兩見少微殞空嗟吾道

屯楚人悲鵬鳥魯叟泣麒麟歎息南城子飢寒六

尺身臨川陳少游孝逸先士業歿南城謂伯璣

東澗先生死斯文絕續時方悲遺老盡又見哲人

萎名字三君重文章萬古垂重憐徐孺子宿草更

離離虞山晚稱東澗遺老先一年卒末句謂巨源也

東陽懷古

何來父老說陳嬰傳是東陽舊日城白水一塘看
燕掠春泥三寸叱牛耕事成竟有通侯貴運往空
留豎子名回首淮陵多戰壘閒思楚漢一霑纓

○ 題春雨草堂

蘋末遠風起明流生縠紋無人漾舟處鷗鳥自相
羣幽意關林水閒情愛夕曛閉門不覺久花落雨
紛紛

蔬枰圖詩為宋射陵作二首

相逢射陵叟獨見古人心解作一生事蕭然三徑
深忘機成老圃抱甕偃空林銅輦他年夢依依直

到今

深忘機成老圃抱甕偃空林銅輦他年夢依依直

到今

黃海有逋客敝衣不掩脛落筆擬營丘雲泉極幽
映寫作蔬枰圖跡與輞川競林端數帆遠煙外寒
溪淨多君歲寒心此意堪持贈

圖是程
穆倩画

別廣陵

禪智秋來波淼淼紅橋春去柳迢迢平生水調停
杯處不信魂從此日銷

七夕諸公集禪智寺祖道留別二首

傾城相送罷日暮到禪扉月出星河淺山空人迹
稀清江去淼淼徒御情依依緬想東林事風塵未

息機

昔送日南使今歸天北人諸公復高會片石悟前

因寺有蘇公送李叔師使嶺南詩斷碑星影依雙樹鐘聲絕四鄰誰言竹

西路相望是天津

題扇留別汪舟次

欲別紅橋去正當秋水時依然數株柳圖畫寄相

思

秦郵留別諸故人兼寄禪智相送諸公時大水城不沒

者三版

壁社湖中遠浪平故人相送片帆輕西風野蓼堤

邊屋落日神鴉水上城太息江淮民力盡那堪離

版
甃社湖中遠浪平故人相送片帆輕西風野蓼堤

邊屋落日神鴉水上城太息江淮民力盡那堪離
別客愁生竹西歌吹重回首歲歲星河識此情

高寶道中再別追送諸故人

白蘋洲長鳥倦飛煙中鴉軋櫓聲稀暫時並舸珠
湖水却恐船頭逆浪歸

淮北晚行寄廣陵故人

南風吹五兩淅淅乘潮便綠波蓮浦漲白露蘅皋
遠稍看烟景夕篙師柁樓飯不見廣陵人含淒詠
江練

○寄宗定九

東原讀書處夏木紛成結江潮門外落煙岫
牕中列誰言謝公塚復作零陵別懷中團扇詩
睽此清秋節

沂水即事二首

沂水清不極沂山如畫屏行人秋色裏終日對空青

清流映文石大可羅湖牀白鷺翻飛去前溪應更長

穆陵關南作

煙火田家曉秋清望不稀溪聲接東莞山翠滿臨

沂

煙火田家曉秋清望不稀溪聲接東莞山翠滿臨

沂

○臨朐道中寄題馮氏冶湖別墅

勝蹟傳歐冶名園峴口西竹多如鄠杜水碧似苕
溪菱芡迎秋熟鷓鴣入戶栖遙思始寧墅曾是謝
公題

古稷下城同子側留別太液西樵禮吉諸家
兄

韓娥歌處水泠泠十里青山古驛亭我有離腸先
已斷不須辛苦怨秦青

分賦得館娃宮送子吉編修歸吳

館娃宮中花蕊紅美人白紵嬌春風館娃宮中烟
 草綠蝴蝶雙飛井欄宿回首穠華能幾時羨君一
 舸逐鷗足五湖淼淼煙波闊何處黃金鑄范蠡

○ 又賦得寒山寺

寒山寺前客帆落楓橋人家卷簾箔我來鄧尉梅
 花時月落烏啼記猶昨小別江城已五年殘秋重
 送下江船姑蘇到日應相憶卧聽寒鐘古寺邊

又賦得角里村

笠澤濛濛水烟夕細雨丹楓浪頭白先生去後幾
 千年角里之名今尚傳玉堂晝臥夢烟水却挂扁

舟尋角里我亦江湖舊散人蓴鱸里逐秋風起

千年角里之名今尚傳
玉堂晝臥夢烟水却挂扁
舟尋角里我亦江湖舊
散人尊鱸里逐秋風起

帶經堂集卷十八



二十一



帶經堂集卷十九

歙門人程哲校編

斤成三上真台土

帶經堂集卷十九

歙門人程哲校編

新城王士禛貽上

漁洋詩十九

丙午稿

昭陽顧符稹畫棧道圖歌

顧生畫學李思訓
尤工棧道兼羸網
丹青金碧妙
銖黍近形遠
勢窮毫芒裒
斜山色一千里
子規啼處烟蒼蒼
女郎祠邊人跡絕
但見哀猿連臂叫
嘯青崖旁
江水如油下
南鄭閣道似髮通
陳倉紅氍裏背笠
覆首人物結束疑
唐裝車馬斑斑入雲際
如蟻緣垤相扶將
秦川渭水望不到
蠶叢直上天

茫茫仰家扇子冰雪色一莖斑竹磨瀟湘如何方
寸懷袖裏宛然置我蜀道青天長揚一益二古天
險譙周鬻國謀非臧阿瞞四紀作天子青騾西幸
何倉皇三十年來蜀道塞況從古史論興亡因君
妙蹟發遙慨如聽鈴聲替戾岡

過廣川弔董子

十年蓀縣問遺書五載江都傍舊居太息此才逢
主父天人三策欲何如

花朝道中有感寄其年三首

漁陽三月無芳草客思離情不奈何此日淮南好

天氣青驄尾蘸鴨頭波

漁陽三月無芳草客思離情不奈何此日淮南好

天氣青驄尾蘸鴨頭波

三月嬉春射雉城鉢池新水縠紋生紫雲低唱靈
雛拍愛忍春寒坐到明

風俗淮南古禁煙紅橋解禊雨晴天酒徒散盡楊
枝別說著花朝一惘然

趙雪江畫

以下九首青州為
櫟園雜題畫冊

山如十斛新螺子柳映雙谿舊鴨頭圩外秧針初
刺水鱖魚時節坐扁舟

鄒衣白画

雲嵐半幅落人間衣白山人去不還却憶題詩東

澗老夕陽粉本出關山

末七字虞山翁題衣白畫句也翁晚年號東澗遺老

○鄒喆畫

山深樹色變黃綠天高石氣摩青蒼何人寫著盧
鴻乙便是終南舊草堂

○題胡元潤畫寄焦山樵道人

白波青嶂非人境憶住江南過五年今日長征老
鞍馬菰蒲春雨夢江天

八冊小景

八冊西風曉鏡鋪家家網得四腮鱸水鄉風味江
南思何日扁舟鶯脰湖

石谿畫牛首

已
三
丁
雙
長
二
或
公
喬
半
一
節
歸
當
寺
疑
句
牛

南思何日扁舟鶯脰湖

石谿畫牛首

兜率崖前雙屐去鐵心橋畔一筇歸當時擬向牛頭住不道風塵與願違

○樊圻画

曾經草屨夾望見清涼山秋雨暗江浦數帆煙際還披圖思建鄴欲往路間關因送江南客題詩慰別顏

○趙澄畫

江南春意到寒梅曲崦迴汀幾樹開銅井銅坑風雪裏曾敲烏帽跨驢來

石谿畫

慈竹林中一徑微
曾尋石窟叩禪扉
雲山舊衲渾忘却
欲借僧雛壞色衣

送姚六康令石埭二首

江祖魚梁外
青天翠黛低
桃波接秋浦
水色勝耶谿
城映清川曲
詩尋碧嶂題
五湖一帆影
目盡秣陵西

捧檄西南去看山
過九華池陽秋望好
楚色滿蒹葭
吏散調馴鶴
春行課采茶
此邦風俗古
官舍似田家

○ 趙北口見秋柳感成二首

順治乙未予上公車與家兄
司勳傅彤臣御史賦柳枝詞

田家

○趙北口見秋柳感成二首

順治乙未予上公車與家兄司勳傅彤臣御史賦柳枝詞

于此忽忽十餘年矣堤柳婆娑無復曩時不勝攀枝折條之感因賦是詩

十二年前乍到時板橋一曲柳千絲而今滿目金城感不見柔條踈地垂

六載隋堤送客驂樹猶如此我何堪銷魂橋上重

相見一樹依依似漢南

予舊賦柳枝有句云銷魂橋上銷魂樹不見飛花魂亦銷

○雨中送甯益賢歸潁川

與君共憔悴揮手此重陽露下黃花晚雲中白雁長離樽對寒雨別調入清商鳳德吾衰甚聞歌愧楚狂

題李御史水亭二首

野夫乘興坐水閣
鷓鴣沙燕參差飛
煙中人語釣船過
昨夜雨來蘋葉稀
角里昔遊那在眼
魯陂舊業空懷歸
櫂歌一曲杳然去
夢向滄江漁父磯

略約橫斜孤嶼邊
丈人水榭似吳船
漁菴蟹舍紛相映
衰柳殘蒲望邈然
別浦清秋菱芡熟
江鄉遠思鱖鱸鮮
今朝偶乞樵風便
來伴閒鷗盡日眠

周量近耽弈甚以詩調之并示湘北簡討
畫省垂鞭薄暮迴
文楸方罨鎮常開
知公欲厭承明直
徑賭宣城太守來

送隱巖道人之五臺繹堂周量苕文湘北同

明直徑賭宣城太守來

送隱巖道人
之五臺繹堂周量
苔文湘北同

作二首

道人江左秀十載住菰蘆獨向清涼去
隨身智杖扶峰峰餘積雪了了見文殊
亦欲游方外從師問
苾芻

曼殊行道處猶現海贏城摩詰無文字
豐于識姓名綻衣寒事早咒鉢毒龍驚
殺活從渠會依然草
一莖

讀蔡中郎集

曾說迴車弔偃師千秋釋誨感知幾
可憐勸進鄙

侯日此老華顛又是誰

邕釋誨設為華顛湖老與務世公子問答

答曹淡餘廷尉送梅之作兼示令兄升六解

元

江南雪霰春凌亂憶向蟠螭穩泛舟雙屐曉穿光
福樹萬株香壓太湖流瑤華久別應無恙佳句遙
傳一畔愁竹屋紙牕燈火裏與君斟酌話前遊

雪後入朝啓事懷宗定九

雪霽東華曉漏遲宮鴉飛上萬年枝故人憶在東
原隱夢覺寒溪落木時

青州有感

銀漢紅牆望不分十年桂樹雨中聞沅湘嫋嫋自

青州有感

銀漢紅牆望不分十年桂樹雨中聞沅湘嫋嫋自
秋色禾黍離離空夕曛網戶昨宵歸宿燕觚稜今
日委荒雲鐘鳴葉落頻回首只有青山不負君

帶經堂集卷十九

帶經堂集卷二十九



Faint bleed-through text from the reverse side of the page, including characters like '帶經堂集卷二十九' and '欽門人程哲校編'.

帶經堂集卷二十

欽門人程哲校編

行棧三...

帶經堂集卷二十

歙門人程哲校編

新城王士禛貽上

漁洋詩二十

丁未稿

答梅淵公贈畫兼寄唐祖命沈方鄴三首

北樓遙憶碧雲間
謝朓詩中夢往還
今日老瞿圖畫裏
何如蒼翠望寒山

鳥弄屏風明鏡開
青溪水色碧潏洄
琴高三月登春網
一日谿頭醉一迴

年來八咏憶休文
耕塢先生袂又分
好是謝家團扇上
相思為畫敬亭雲

遙送汪舟次游廬山

聞汝清秋日孤吟到繖山殘碑訪江令日夕不知
還復愛屏風疊蒼蒼雲霧務間南飛駕鸞鶴揮手向

松關

舟次先
注棲霞

春帆下彭蠡弭柁問匡君曠望輕千里青天瀑布
聞振衣三峽石游目九江雲想到東林寺吟詩坐
夜分

何處弄芙蓉西南五老峰昔人不可見此地空雲
松吟眺青山晚名流白社逢獨慚謝康樂夢逐虎
谿鐘

○送陶季之潞州

谿鐘

○送陶季之潞州

先生昔日登武夷鐵船峰頭看弈棋中冠離支三
百顆酒酣自擘輕紅肌峰頭爛睡忘甲子坐笑曾
孫生白頰張帆伐鼓下黃鶴欲濫三湘窮九疑披
襟蘭臺發高唱快哉不辨風雄雌平生名岳屐齒
遍風塵京雒嗟衣緇投我奇文浩千頃蛟龍大澤
纏躩踞謂我四海一知己譬若莊休從惠施高齋
茗飲坐清晝風爐活火分槍旗我時無事似犀首
酒鱗浮動銀留犁豐臺紅藥花照眼驪駒忽告將
西馳壯心猶作驥伏櫪適志無如泥曳龜我聞上

黨天下脊當年潛邱傳臨淄飛龍荒宮沒煙莽斷
碣髣髴開元訶紛紛梁晉夾河戰鷗兒萬騎陳軍
麾錦囊負矢盛意氣歌聲慷慨留三垂時平不用
弓箭手空老昭義千熊罴戰場下馬問亭長鬼燐
颯颯寒飈吹君家草堂臨射陂門前五柳藏東籬
何時單舸徑歸去北牕高枕談黃義

○送朱秋厓歸安宜兼評陳冰壑

北平太守老不封身經百戰關強弓平陵岸頭爾
何物李蔡為人居下中昔者應侯未入秦折脅摺
齒難為容一朝西行取相印故人馬食何怱怱丈

夫不遇且蓬累古來雄俊將無同愛汝朱干草堂

齒難為容一朝西行取相印故人馬食何怱怱丈
夫不遇且蓬累古來雄俊將無同愛汝朱干草堂
好甓社湖北如吳淞釣船春入鰕菜市紫門晝掩
菰蒲叢據梧時復同惠子上豕聊爾隨龐公當年
我作淮南客落帆屢及桃花紅兒童習見鵝鴨熟
濁醪為我來牆東此邦佳士復有幾稍從湖海知
元龍唱于唱喁樂復樂大湖漠漠來天風自別淮
南老鞍馬筆墨蕭颯如秋蓬眼明乍喜故交至劇
談徃往連晨鐘聞君此行意愴悅五湖春水磨青
銅夢隨白鷗沒浩蕩覺來目送南飛鴻歸逢陳鈺
相問評予方袴褶騎黃驄

○送楊東子孝廉歸廣陵兼寄費此度

淮南三月春江綠遊子歸帆指江曲客路驚逢黃
鳥新到家正及櫻桃熟楊郎風調絕世殊少年能
讀等身書手將玉塵都無別瓊樹瑶林定不如去
年壯遊輕萬里灩澦瞿唐片帆耳崢嶸赤甲羅胸
中突兀黃牛壓篷底司馬橋頭駟馬歸杜陵花發
試春衣長安官舍一杯酒却憶揚州初見時揚州
城西蜀岡路猶記當年冶游處歸語成都賣卜人
乘查欲訪支機去

楊費皆成都人寓淮南

題胡玉昆南新水部署宋梅圖為程翼蒼

風雨厓山事杳然故宮疎影自年年何人寄恨丹

題胡玉昆南新水部署宋梅圖為程翼蒼

風雨厓山事杳然
故宮疎影自年年
何人寄恨丹青裏
留伴冬青哭杜鵑

送周量同梁芝五游西山

西山香山妙無比
一道飛泉萬松裏
馬曹自矜能拄笏
不知落汝芒屨底
猢猻藤子青銅堅
為汝一日窮緣攀
遙想空山下風露
嗒然坐對開禪關

送沈康臣歸越中兼寄姜鐵夫

鏡湖五月蘋風涼
蜻蛉著水菡萏香
越女如花櫂舟去
一曲前溪能斷腸
沈侯詩瘦如東陽
家臨鏡湖開草堂
野艇晚釣語黃帽
北牕春雨抽蒼筤
會

稽竹箭天下良僑肸更出菰蘆鄉一朝來摩烏集
闕蹴踏枚馬挺班張勇若孟賁捷慶忌萬言誰得
如東方羽林飲飛識名字落筆觀者如堵牆紙尾
一鷺萬金直題背定須煩庾郎持梁躍馬有底急
羨汝墨妙工文章櫻桃紅過棟花老潞河曉峭千
帆檣榜人長嘯指於越衣冠送客臨高梁白魚入
箸淮楚近綠橘照眼吳山蒼萬事無如故鄉好況
復乘查來日旁吾友姜梗與君厚寄言別夢南天
長安得與君夾清漳張南周北劉中央

用南史語

送同官劉竇生赴漢中僉事

梅雨初晴出禁林河梁西望暫題襟樂游原上離

送同官劉寶生赴漢中僉事

梅雨初晴出禁林
河梁西望暫題襟
樂游原上離宮盡
陳寶祠邊驛路深
秦棧春風千騎度
散關曉日一猿吟
慈恩回首同游處
天際梁州夜夜心

○膠東張雉画葛洪移家圖歌

下簾卧清晝
遠夢生羅浮
覺來北堂上
素練橫滄洲
依稀三萬六千丈
風吹絕壑紅泉流
何人攜持雜負戴
全家避地來山幽
先生身騎烏犢牛
丹雞白犬隨行輶
鮑家小女兩丫髻
手把芙蓉居上頭
惠懷之際那可道
萬乘不洗金墉羞
王家寧馨失三窟
華亭鶴唳悲清秋
回首銅駝洛陽陌
名士對

泣新亭因伏波將軍不受賞丹砂欲就來交州大
鵬詎可伍鶴鷃跛鼈坐笑追驂騮張生妙筆擅黔
陬令我逸興生丹丘夙昔讀書慕仙意望而不見
中心愁十年婚宦顛粗畢青鞵快作逍遙遊刀圭
為我留井竈此生未作坳堂舟

○送耿十三承哲赴高州推官二首

見說高涼郡遙遙八桂鄰駱田潮上下蠻弩瘴冬
春蚌暈連珠浦冰綃獻海人酌泉君有意知不厭
清貧

何代名藩地軍城遍草萊轅門飛鳥落行殿野棠

開感激碣州蹕悲涼洗氏才撫時思將略巾幗亦

何代名藩地軍城遍草萊
轅門飛鳥落行殿野棠
開感激碣州蹕悲涼
洗氏才撫時思將略巾
幘亦雄哉

○哭耻古都諫二首

太息章皇帝能容折檻臣
一朝看蟻結七載泣
龍鱗封事堂堂在風霜
字字新可憐天下任無復

見斯人

都諫未歿前數日猶言身雖不用亦當存以天下為己任之意

蕉萃終何道姬姜色自殊
無人念管叡有淚灑靡
蕪遺玦成捐棄如弦死道
塗武夷歸去否風雨痛
羈孤

戲送剩圃歸里二首

兔柴何如鹿柴幽一條
略徇石溪流黃雞未老新
稔熟歸及東田七月秋

秋風葑圃閒支枕微雨蘆溝倒跨驢
想到故山殘客少藤梢橘刺莫教除

同沈繹堂程周量題項參政倦鳥亭圖是戴
務旃畫三首

自得陶家意吾廬只數椽
曲欄斜釣艇飢鶴啄秋
田曖曖郊原樹依依墟里煙
未須笑縵縷飲酒豈
徒然

白石山中路蕭條暮雪時
泉冰紛鹿跡石室偃松

枝靈境幾人到幽棲良在茲
他年鞵鞮去丘壑有

白石山中路蕭條暮雪時泉冰紛鹿跡石室偃松

枝靈境幾人到幽棲良在茲他年鞵韞去丘壑有
前期

昔上牛頭寺東峰一振衣愛君圖半臂清晝坐忘
歸山月松間吐僧鐘定後稀舊遊如夢寐見此重

依依

曩同方爾止游牛首見務
旃所畫東峰半臂最妙

○同年素秋水僉事覲事畢將歸甘州索詩歌
以送之

白馬黃金柑蹠躐思邊疆河西四郡天萬里中分
弱水臨河湟漢家天子重邊冊大開張掖連燉煌
陽關以西盡亭障屬國一氣通諸羌遠求汗血歷

絕域玉門使者遙相望輪臺之悔復何補弛刑十
萬空雄張首宿離宮待天馬蒲桃大郡酬伊涼至
今祁連古邊塞控弦士馬多精強衙帳雲屯雜回
鶻部落星散延燒當當年武皇用兵處傳烽高並
天山長祭酒布衣諸生耳虎頭食肉何昂藏紅鹽
池邊開幕府羌女如花羅酒漿安西都護受成事
戊己校尉停秋防使君能令金作粟使君能使馬
如羊使君今且為急裝還報 天子開明堂特賜
安車圖未央五星歲歲臨東方

● 瓶中荷花开偶成二首

載酒紅橋日扁舟蓮葉東蕭蕭沙鳥白漠漠渚花

○ 瓶中荷花開偶成二首

載酒紅橋日扁舟蓮葉東蕭蕭沙鳥白漠漠渚花
紅明鏡生瀟照清流澹惠風別來一千日相見膽
餅中

魯連陂上路十里白蓮花遙夜孤舟泊無人山月
斜斷橋三汊水籬落幾漁家津市垂楊岸何人繫
釣查

題公弼畫送樵涇歸長白

青山一帶似秦餘谷口逃名共結廬何日真如圖
畫裏醴泉山下對門居

公弼作飛瀑圖題詩見貽云揮手青山負夙

期薊門騎馬閱炎曦阿誰箕踞長林下恣
看銀河一派垂輒賦二詩調之

筆底清秋萬壑雷百泉蕭灑亦奇哉司勳似憶容

城叟獨臥孫登古嘯臺

公賦舊與孫鍾元
隱君卜鄰山中

身是巢由未得閒朝回漱墨寫潺湲蘇門白杵應

相笑便欲留琴擅此山

公賦出山留一
琴于蘇門州堂

○傳經堂歌送卓永瞻歸浙西因寄火傳

中原喪亂連天崇鑿蹄騎馬嘶江東昭陵玉匣出

隧道鴻都祕策飛秋蓬小作滕囊大帷蓋石碑三

體皆磨礱解經無復戴侍中說易亦少鮭

胡瓦反

陽

鴻卓家世德不可紀侍郎謀國真公忠巢傾卵破

體皆磨龍解經無復戴侍中說易亦少鮭胡瓦陽

鴻卓家世德不可紀侍郎謀國真公忠巢傾卵破
悔不早曲突徙薪誰謂功革除事往三百載至今
化碧干長虹聞孫抱經隱苔雪千秋人識梁丘宗
清廟明堂列球貝深山大澤藏蛇龍我慕蕊淵生
苦晚晚及孫子相追從雄才能慮五石瓠大力欲
挽千鈞弓桓榮稽古累數世郎君人地將無同昭
氏鼓琴有妙理誰云竟以文綸終 至尊通經過
漢代會開東觀臨三雍白虎諸儒考同異如縣大
虞鏗洪鐘郎君攝衣作都講雅歌殿上何雍容野
夫窮經不得力坐使尹季傷瘖聾他年登堂問章

句五湖帆影隨樵風侍郎公名敬遜國名臣

宗定九畫紅橋小景于便面見寄賦懷三首

平山堂外春風到取次紅橋爛熳遊時聽鈞輶坐

深竹不妨笈簞挂扁舟

辛夷花照明寒食一醉紅橋便六年好景忽忽逐

流水江城幾度沈郎錢

紅橋秋柳最多情露葉烟條遠恨生好在東原舊

居士雨牕著意画蕪城

荷蘭刀劍大小凡八枚

憶戰金門島王師大合圍寒芒生海外真見著胸

飛

青二赤鳳膺

憶戰金門島王師大合圍寒芒生海外真見著胸

飛

荷蘭四馬

二青二赤鳳膺
鶴脰日可千里

龍種來西極蘭筋怒不羣鼓車應待汝不用籥浮

雲

西洋四白小牛

白質斑文長二尺高
一尺七寸項有肉峰

豈是流沙種還疑果下駒寄言熊虎質不敢恃牙

鬚

立秋後雨中言懷寄家兄西樵于廣陵

三日不出秋已過不衣不冠任慵惰雨久却愁屋
漏痕泥深更惜屐齒浣門前轟鞦隱多高車折軸脫

輒誰能那朝回閉戶罷通謁仰視屋梁但高卧長
 貧敢羨邢麗奢少賤自甘葛轆軻吾兄忘機罷爭
 席世尊渠屑仰天唾淮南落葉已再見欲歸不歸
 苦飢餓客中過從誰最親只有牛醫兼馬磨螻蛄
 窟裏掉頭去蒼蠅聲中洗耳坐天寒歲暮行當歸
 江湖浪湧蛟龍大

○述舊贈劉公弼吏部

昔在順治中天府羅文昌 至尊右儒術海寓盛
 詞章夫子起汝南高步翰墨場僕從稷下來意氣
 猶蹶張雲龍歛然合相逐共翱翔論文無嘯嚅結

交多老蒼四海得汪

文茗程

周量

驤首同周行一臺稱

猶蹶張雲龍歛然合相逐共翱翔論文無嘖嘖結

交多老蒼四海得汪

文程

周驤

首同周行一臺稱

二妙籍籍董

玉

與梁

緝

璋射必有邱玉卮豈無當

窮秋八九月草木萎以黃憑弔望諸君驅馬金臺

旁風雲慘營平邊朔多嚴霜和歌猛虎行天地為

低昂時序一以變良會誰能常君思潁西湖歸尋

兩歐陽諸子亦星散各各之四方僕觀廣陵濤時

上平山堂側聞清潁水嫩綠如瓜瓢小艇擬艤解

往徃破湖光別業寄蘇門水竹紛陂塘百里見黃

華神工肆皴皴飛瀑下千尋灑落層冰涼熊岳所

居處理異不可詳破衲山水紋蕭然居士裝真江

五馬渡暮雪天蒼浪是時一握手泥飲傾千觴豈

知十載別會合仍帝鄉羣公更翕集列宿森光芒

翰林蔣虎與李湘誅蕩排天閭亦有陳子與吳玉

鳳凰鳴鏘鏘程子蒼垂天雲耻作枋榆槍雅歌出

金石高論窮羲皇夫子正始音卓為羣倫倡僕忝

龐公交時登元龍牀小春風氣佳晚菊有餘芳賓

從會西園絃管羅東廂援毫申此詞勗哉毋相忘

祖將軍園亭

以下九日城南雜詩三首

粼粼水石映前灘落落松篁返照殘蓮葉蕭條蒲

葉短并將鳧雁作荒寒

過草橋橋西二水清濁劃然至橋東乃合流

葉短并將鳧雁作荒寒

過草橋橋西二水清濁劃然至橋東乃合流

土人云清者自西山來濁者渾河也

垂楊匝地板橋橫沙路青驢得得行偶坐濠梁忘
日暮可憐泉水在山清

投壺贈董玉虬程翼蒼

蔗杖樽前矜妙技銅壺花下伴無聊野夫袖手虧
成外輸汝平分七十驍

○朱錫鬯自代州至京奉柬一首

短後曾將代馬騎談兵絕塞偃牙旗錦囊舊事悲
唐壘碧玉春流寫晉祠燕市雪深衣褐敝吳江楓

冷酒船遲駕湖若買三間屋得便從君下釣絲朱有

晉祠記
最工

為念東先生題衡山畫二首

驢影凌兢冬氣昏危亭孤棧簇煙村披圖正有溪
山夢風竹蕭蕭雪擁門

凍合千山鳥不飛梅花香裏踏清暉先生只向江
南老不見天山雪打圍

送座主蒲州公祭告北鎮二首

閶闔晨開遣上卿玉函金簡下承明貂裘雪壓遼
西郡虎跡秋高右北平山指醫閣盤重鎮江迴鴨

綠抱神京榆關楊柳初搖落橫吹聲中出塞行

西郡虎跡秋高右北平山指醫閣盤重鎮江迴鴨
綠抱神京榆關楊柳初搖落橫吹聲中出塞行
風雲莽蒼黯平蕪直指營州接上都九塞東來圍
朔漠羣山北折走徐無勁鷗晚日摩霜磧老馬當
年識霸圖喜見太平新望秩神光初起萬靈趨

讀唐簡討徐隱君九日長白山詩賦寄

秋山千里外歸思寄朝昏聞說登高處莓苔遍屐
痕清霜石門路落日青松根安得同攜酒新詩與
細論

立春日寄司勳兄時兄歸自江南兼示仲兄
叔兄

越水吳山幾滯淫
衡門歸閉系川濶
撈鰕亦自甘
桃達據地誰能但
陸沉空對梅花思
健步愁看雪
意釀春陰高堂無恙
諸郎好婪尾
遙知次第斟

題繹堂小像即送之赴通薊四首

早識吳興沈隱侯
翛然玉立映清秋
九州人物提
衡遍畢竟還渠第一流

長林已辨松枝麈
谿水真成洗硯池
筆勢自來追
庾翼清談應是勝張譏

軍都山下闢轅門
馮翊扶風節制尊
勉為蒼生須
一出先皇侍從幾人存

九峰三泖興悠哉
舊隱何人埽石苔
若許畫師傳

一出 先皇侍從幾人存

九峰三泖興悠哉舊隱何人埽石苔若許畫師傳
二老不妨添我刺船來

送程伯建入覲畢返滇南

秣馬旌牛幾策勳十年歸謁聖明君往來衡岳三
秋雁迢遞昆池萬里雲豈少通侯推祭酒依然蠻
府作參軍牂柯江上應回首長樂鐘聲憶共聞

帶經堂集卷二十

帶經堂集卷二十一

歙門人程哲校編

新城王士禎貽上

漁洋詩二十一

戊申稿

世祖章皇帝御畫渡水牛戲以指上螺紋成之賜

中官某

臣

從黃州通判臣宋犖得觀恭賦

一章

章皇握乾符武功燁旁魄孚齋

世祖宮中
游息之地

春晝長游

藝曠圖籍泉壑窮窈窕煙雲羅幽蹟寶繪賜近臣

往隄等球壁常從青箱堂

今御史大夫王公第

奎藻覩赫奕營

丘及河陽到眼堪一擲想見憂勤暇勝情寄山澤

戲作渡水牛生態妙盤辟肉怒垂星圓筋突陰虹
直脰似滿黃鐘角堪扣白石彈指九牛毛森疎如
刻畫水波稍演迤浮鼻未沒脊髣髴綠楊風掩映
春蕪碧神武十八載文教洽重譯干戈與弓矢包
用黃牛革小雅賡宣王爾牛何濕濕旒旃牧人寢
考牧周官職應知翰墨餘與世登衽席龍顛去已
遠謳思徧荒僻雲漢爛天章典謨布方策 聖主
念紹庭率由正無射小臣沐皇風流涕記飛白

十六日曉過慈仁看松雪

松氣自蒼鬱風雪相迴薄不見凍禽翻惟聞松雪

落

松氣自蒼鬱風雪相迴薄不見凍禽翻惟聞松雪

落

為宋牧仲題林良宮娥望幸圖

杏華春水團宮纈宛宛鵝羣白于雪林良好手二
百年犀軸飄零見奇絕太平內則徧閨襜宮漏迢
迢響夜籤何處離宮三十六金羊空望竹枝鹽

○送宋牧仲歸黃州

詞賦梁園憶勝游一麾雲夢澤南州三分誰似周
郎少九辨深知宋玉愁烏鵲南飛河漢轉大江東
去古今流山川如此容高嘯羨汝黃泥坂下舟

送楊鄂州職方奉

詔安南

時國王黎維禧侵奪都統使莫元清高平

地故有
是命

于闐玉帶橫腰身猩紅袍蹙金麒麟使者青霄下
千仞旌節遙臨日南郡日南郡縣古交州唐家都
護天南頭大長叩關奉朝請比于佩印為通侯咫尺
高平亦王土誰使穴中鬪羣鼠要令萬里靖烽
煙先見兩階列干羽楊郎意氣不可當談兵畫省
神揚揚雄才常擬略邛笮壯心更欲規河湟此去
烏蠻過銅柱曾是伏波用兵處即看金馬獻彤庭
不用飛鳶愁毒霧朝來祖帳城東門羣公冠蓋如
雲屯虎頭食肉志亦得新婦帷車安足論

林逋梅鶴

以下六首為蒲州
公題趙承旨雜畫

雲屯虎頭食肉志亦得新婦帷車安足論

林逋梅鶴

以下六首為蒲州公題趙承旨雜画

郭索鉤輈句尚傳妻梅子鶴致蕭然不知他日朝
元殿誰上汾陰饗祀篇

齷草篇

八尺龍媒霧鬣旋欲鱗并冀刷幽燕長鳴未得風
雲便首菴離離亦可憐

漁父

風送三江雉尾尊青鱸紫鱖正時新故家零落遺
民老恐是當年沙社人

磨鏡

二万册
磨鏡一錢無不可
市中游戲亦悠哉
黃塵碧海須
史事負局先生自往來

馬

十二天閑立仗齊
何來龍種大宛西
即教得遇雄
才主不少黃金鑄
裏蹠

打球

如弦馳道接長楸
紅鬣嘶風滾畫毬
日暮踏花歸
去晚德陽宮北苑
東頭

送米紫來令建昌

南風吹船健如鷗
一月飛渡西江灣
名流正得山

水窟雲中五老玉
孱顏画禪書聖兩
無敵官閒潑

南風吹船健如鷗一月飛渡西江灣名流正得山

水窟雲中五老玉孱顏画禪書聖兩無敵官閒潑
墨東林間風流海岳菴中客直取廬山作硯山

○三月晦日公馭招同曰緝玉虬苔文周量玉
隨翼蒼湘北子端集河樓得絕句六首

下直經旬髮不梳河樓高會翦春蔬已喜綠蒲藏
睡鴨更燒紅燭射游魚

御河楊柳盡飛花露葉煙條拂狹斜十五年前曾

繫馬數株初種不勝鴉

順治乙未年春曾
與諸公宴集此樓

流雲漠漠閣春陰乍試輕容尚不禁斑竹闌干恰
臨水風吹新綠一篙深

櫻桃初熟紅藥開相逢且覆掌中杯新詩樂府誰
多少鬪取旗亭畫壁來

濟南山水天下無剩水殘山還自殊仕宦幾人為
令僕十年冷落鵲山湖

腸斷江南盛小叢三年禪榻過春風不緣今夕相
料理枉負花枝映肉紅

送戴務旃遊西嶽

捫蝨雄談事等閒餘情槃薄寫孱顏洛陽貨畚無
人識五月騎驢入華山

六月十二日喜雨晨起為錢宮聲題周靜香

長橋煙雨圖

六月十二日喜雨晨起為錢宮聲題周靜香

長橋煙雨圖

松枝塵尾壁角懸桃笙火出晝不眠長安五月旱
太甚自郊徂宮空告虔昨宵新涼生枕簟五更簷
溜聲奔泉大江萬里瀉春漲濤頭泛泛何溘溘豁
如毛摯去酷吏身傳兩翮思騰騫坐憶江南此時
節流水泱泱鳴稻田錢郎打門送急遞鼠鬚煤尾
交雲煙青松短壑妙結構高厓巨瀑紛鉤連長橋
煙雨更奇絕空濛似欲無山川溼篷折疊緯掠水
黃泥曲岸相夤緣江南舊游入夢寐髣髴五湖春
水船錢郎自號五湖長此圖日在衡門邊胡為款

三五廿五
段來長安披裘帶索履後穿我欲與君同扣舷青
蓑箬笠隨長年詩成閣筆一笑粲簷前急雨衝洄
漩

又題周荃觀察畫

石勢槎柯亂水間扁舟有客弄潺湲乾坤何處無
漁釣空愛周侯著色山

○題文與也為曰緝御史畫江村讀書圖四首
水市漁村短竹籬故人新辦草堂資客來夜雨烹
春韭晏坐清齋折露葵

門外漁航箇箇輕春流滑笏縠紋平江花江鳥不

相識寫向丹青俱眼明

門外漁航箇箇輕春流滑笏縠紋平江花江鳥不
相識寫向丹青俱眼明

風日菰蘆書下簾鐘魚聲裏悟楞嚴從知摩詰無
文字盡埽鄴侯三萬籤

停雲家世紅欄里相國風流異代傳昨見明牕寫
江練諸孫才調又翩翩

送翁山子五首

藝蘭不盈晦孤芳難自宣不知沅湘上九畹為誰
妍歲蕤玉池側掩冉春風前何當永服媚一賦涉
江篇

故人滄洲別迢迢餘十載太息東逝波流光詎相

待珠江明月來時時見光采南望羅浮雲知予寸
心在

西登秦昭臺鈎梯去天尺道逢衛叔卿六博忘日
夕迴車雁門郡感慨平陳迹常逐射鵰兒醉獵黃
沙磧

昔子從代來竹覆中庭雪新筍復成林再見還相
別我有五弦琴古調自怡悅牙曠日以遠曲終絃
斷絕

倦遊慕栖遯復愛秣陵山萬里還將母中年當閉
關攝山江令宅花落青苔斑他日尋君處雙峰應

重攀

關攝山江令宅花落青苔斑他日尋君處雙峰應

重攀

張彥若索扁舟歸隱詩時將遊河東歸武林
張侯六月之河東將尋姑射騎飛龍却夢扁舟落
吳越五湖萬頃何空濛武林諸山盡嫵媚人家碧
水穿房櫳明年鱸膾斫寒玉歸帆正飽西南風

為茗文題焚香埽地圖

朱門鼎鼎厭梁肉忍飢誦經無此人娜如山中好
水石他年真作孟家鄰

金籠鸚鵡曲

隴上黃鸚鵡紅味金毛衣渴飲隴阪泉倦飛隴樹

三五十二
枝安西邊將好遊獵可憐誤入君罟罟黃金作籠
大秦飾萬里作供來京師回首隴上雲去去從此
辭漢家天子賤異物開籠詔放鸚鵡歸鸚鵡歸鳳
凰來紫庭阿閣當儀之

廢宮曲

小車何檻檻大車何噶噶陂陀如上天千夫力竭
萬牛奔車上何所有雕楹畫桷盤龍蹲昔日帝子
全盛時高臺邃宇檻層軒方連刻網戶曲瓊懸朱
門一朝人事浮雲變歟如風裏霜蓬根東邸青棠
雨中折西邸泉聲去嗚咽飛甍旭日起重城戟門

初開聞角聲

雨中折西邸泉聲去嗚咽飛甍旭日起重城戟門
初開聞角聲

沙民歎

沙洲連袞幾千里昨日高門今廢址稻黃如雲不
敢收欲穫恐遭君馬箠朝來官長親驅逐雞狗無
家苦遷徙東鄰西里半燒焚微命何堪驅螻蝻連
江大帥如雲屯紅旗金印開轅門江頭戰鼓一聲
動中堅魚爛前徒奔但願盧循徐覆一朝死身同
精衛填海水

巫山高

巫山高高際天蜀江駛如箭吐弦山高江深自終

古世人誰知五丁苦五丁力盡黃牛死巫山蜀江
險如此開府下令求朱提萬人委命當蛟螭山崩
石壓水深黑毒龍腊人如舖糜貝闕龍堂萬靈怪
何輕民命為水嬉安得五丁更生黃牛出開山獻
我金百鎰使我遺黎返家室

宋子昭舍人使秦歸因懷牧仲通判黃州

相國風流付夕曛廣平兄弟更能文春城雪下聯
吟騎塔院鐘殘坐夜分使節初回吳嶽雨鴻聲何
處楚江雲章華羅綺黃州夢驛使來時好寄聞

○ 愁霖行

歲在涪灘陰氣凝愁霖不絕如貫經江星動搖陽

○ 愁霖行

歲在涸灘陰氣凝愁霖不絕如貫經江星動搖陽
景匿蝦虹閉藏潦霧增玄駒戴粒蟻封穴白躡涉
波豕出繒恢台變節百草死縱有紈扇須何曾立
秋八日又七夕不見河鼓低玉繩肅時雨若哲燠
若此事無乃非休徵今年災異亦太劇延慶早魃
嗟頻仍太白失舍晝不入白晝夜見生芒稜左輔
銅龍翻地軸川竭水涌騫高陵汝南桑田化滄海
涓淵白日蛟龍騰我讀劉向五行說天意人事如
相乘溟梁之會書地震龍鬪于鄭梁山崩吁嗟盛
世詎有此胡為變易違其恆何時搏桑日東升重

霾一掃天宇澄野人爛睡曲兩肱晨炊不復愁薪
烝

竹枝三首送陸冰修

白翎雀飛山雪寒譜入琵琶馬上彈沙鷗鷓鴣春
江上蘆葉青青水滿灘

北人不識竹枝歌沙磧春深牧駱駝南人苦憶江
南好明鏡夾城春始波

才過蘇州是秀州垂虹亭下水爭流吳山的的如
迎客吳女摻摻解蕩舟

又絕句兼寄彭十駿孫

萬歲樓前江水長故人別我下湖湘燕山七月梧

又絕句兼寄彭十駿孫

萬歲樓前江水長
故人別我下湖湘
燕山七月梧桐雨
又見斑駁送陸郎

題李長文學士畫冊

遙峰幾點落平湖
漁艇沿流水鳥呼
常惜當年孔巢父
釣竿不肯拂珊瑚

大司馬龔公招同劉公馘吳玉隨梁曰緝汪
茗文程周量陳子端李湘北陳其年集城
南餞送董玉虬御史赴隴右分用杜公秦
州詩韻得間字天字

送遠逢秋社西風岐路間單車三輔客鄉夢五湖

山折檻心元苦乘槎使未還隴頭嗚咽水想像鬢
毛斑

隴坂高無極西行欲上天秦州秋望闊寥落幾峰
傳戎鼓連天水長城到酒泉營平方略熟吹角罷
防邊

為王無異賦獨鶴亭

園林華山下水石遠人間獨鶴來江海蕭然相對
閒博臺殘雪散仙掌片雲還騎向三峰頂遙遙不
可攀

奉答蘇門孫徵君二首

山雪晚修阻蕭條松桂林孫登長嘯處南望百泉

奉答蘇門孫徵君二首

山雪晚修阻蕭條松桂林孫登長嘯處南望百泉
深坐卧觀周易行藏託素琴空令嵇阮輩天半聽
鸞音

戰地山河改中原耆舊存嘯歌惟甕瓦牖今古一蘇
門伏臘留田舍義皇到子孫悠然太平世嘉遯老
丘園

懷子側湖州

吳興白雀寺杳杳舊禪栖聞訪名僧會扁舟向雪
溪秋懷千里外雪淨五湖西遙夜蘋洲夢江南路
不迷

再為曰緝題江村圖

西臺御史馬步工下直垂簾送飛鴻
高堂雪霽展圖畫興在春江煙靄中

調茗文示曰緝

也知子義愛當歸不見珊瑚拂釣磯
且讓先生賦招隱吳儂依舊浣朝衣

送吳天章歸中條山

月始在房羣陰終凍禽塌翅啼酸風
呂生置酒邀我飲清歌笑倚商玲瓏
朝來宿醒卧未析吳郎告我歸河東
北風雨雪滿天地層冰千里高穹窿
行

人鞞瘡手指墮狐裘嗟汝胡蒙茸
長安甲第高入

我歸河東北風雨雪滿天地層冰千里高穹窿行
人鞞瘡手指墮狐裘嗟汝胡蒙茸長安甲第高入
天馬蹄動地聲隆隆漿酒霍肉不足道金玉磊砢
堆堂中汝詩千首文百軸滂塗朱拔誰相通汝家
王官谷中條青濛濛藤蘿相糾水相激至今猿鳥
悲司空汝歸讀書甘菽菽致君堯舜會有日飛伏
詎辨誰雌雄

題李武曾灌園圖三首

衆木扶疎遶敞廬日耽清興矚林渠不騎塞北將
軍馬且把溪南種樹書
回首平泉宰相家風霜無復日南花漫言喬木舟

千斛皇后園中祇暮鴉

閒園半畝具區東葵蓼牽牛歲歲豐欲向於陵尋

子仲年來久已薄三公

○送其年歸宜興二首

與君五載揚州夢細馬吟春皂莢橋歲晚幽州復

相送九門風雪壓盤鵬

送客魂銷楓樹林買田陽羨舊同心花枝照眼蝦

籠觜未得從君弄渚禽

曉起雪東苔文子端兼示與也二首

牕明睡初足雪片已橫斜憶汝高齋裏寒梅著幾

花

牕明睡初足雪片已橫斜憶汝高齋裏寒梅著幾

花

雪盛無烟火何人晚趁墟寒溪危棧裏寫我跨青

驢

帶經堂集卷二十一

滄海集卷三十一



滄海集卷三十一

滄海集卷二十二

歙門人程哲校編

帶經堂集卷二十二

歙門人程哲校編

新城王士禎貽上

漁洋詩二十二

已酉稿

○再送吳雯歸中條二首

二月春蕪綠紛紛蝴蝶飛花朝逢暮雨寒食減征
衣道路誰知己登臨不當歸中條多水竹此去掩
荆扉

愛汝王官谷他年擬借居三峰當戶牖五姓足樵
漁田舍堪懷古茅茨宜讀書獨憐好身手歸去注

蟲魚

中條山下
有五姓湖

雙劍行吏部侍郎孫公席上作

承澤 其一魚腸 其一有銘云吳季

子之子永寶

用劍凡九字

延陵季子不忘故千金之寶帶丘墓我聞此語餘
 千年何來虎氣騰重泉天精下觀罔兩伏雷公擊
 橐蛟龍纏古綠光射人瓜皮出土爭新鮮錯落黃
 金書列星明滅蒼浪天五步殺一人易如削豚肩
 又有古魚腸形製殊蜿蜒貫甲洞胸不濡縷立戟
 交軛如浮煙幽州十月風折綿雪片墮地飛烏鳶
 是時看劍夜置酒快若渴驥奔長川句吳舊事足
 感激悲來清淚忽潺湲延陵已蹈子臧節誰令密

室生戈鋌太湖魚炙事亦逆蘇臺鹿走今誰憐鱗

感激悲來清淚忽潺湲延陵已蹈子臧節誰令
室生戈鋌太湖魚炙事亦逆蘇臺鹿走今誰憐
諸要離匹夫耳屬鏤之賜吾悲焉孫公八十日如
電博古直擅歐劉前為公作歌驚四筵烏尾畢逋
河漢懸燈明酒盡雪亦止回看劍氣相騰旋

○嶽下作二首

籃輦名山裏悠然懷抱開雲中辭嶽麓枕上見徂
徠他日臨千仞回看海一杯仙人騎白鹿邀我共
徘徊

嶽路清和候氤氳望不稀林園收宿雨石瀨濺人
衣班馬紅亭渡溪禽白練飛買山隨處好終日戀

清暉

泰山有紅亭左傳大蒐于紅即此白練紅練鳥名

望徂徠懷古二首

徂徠林壑美復愛竹溪清應有雲霞侶幽居遠世情
釣竿想巢父酒態憶長庚寂寞空山道寥寥千載名

當年石守道卜築亦于斯時際升平日人傳慶曆

詩子孫留伏臘

山中上王村今尚多石氏

水石映茅茨直道今誰繼

淒然汶水湄

渡汶水

泉流紛演漾爭遶汶陽田水碧明沙外山青玉鏡

前涼風起蘋末斜日冷溪煙鷗鷺吾憐汝菰蒲自

在民

泉流紛演漾爭遶汶陽田水碧明沙外山青玉鏡
前涼風起蘋末斜日冷溪煙鷗鷺吾憐汝菰蒲自
在眠

徂徠山下田家

行行空翠裏明晦更多姿碧樹通村路青山向嶽
祠林深雞犬靜雨足隴苗滋他日龜陰稼躬耕亦
不遲

沂州

昨歲琅琊郡驚傳地軸翻衆山千里潰緊縣幾家
存聞有蠲租 詔深知挾纊溫九原新鬼大霑灑
亦 皇恩

○羊流作

山勢圍荒壘猶傳太傅城風流一銷歇華表只縱
橫落日高平道殘碑峴首情當年墮淚處髣髴見
平生

○題尤展成新樂府四首

南苑西風御水流殿前無復按梁州飄零法曲人

間徧誰付當年菊部頭

展成新樂府順治
中曾進御覽

援臂丁年出塞行灞陵醉尉莫相輕旗亭被酒何
人識射虎將軍右北平

五柳歸來對遠公虎溪三笑語相同今朝識得廬

山面蓮社花源一徑通

題桃花
源傳奇

五柳歸來對遠公虎溪三笑語相同今朝識得廬

山面蓮社花源一徑通

題桃花源傳奇

千金匕首土花斑兒女恩仇事等閒他日與君論

劍術要離冢畔買青山

題黑白衛傳奇

○雪中寄宗定九東原兼呈司勳先生

一冬不雪春融融江梅岸柳俱空濛黃綢衾暖睡
初足起看牕紙何瞳矓蠻奴失喜縛雙帚走報玉
戲勞天公開門三寸沒堦砌拂空六出縈簾櫳舟
膠浦凍人跡絕天色慘慘雲而風銅鉞筑響蟹眼
沸地爐火爇獸炭紅故人昔寄東原圖漁灣窈窕
橋梁通駛雪固佳霽亦好草堂正與圖中同蕭晨

畫雪復好手能以粉墨摹虛空前年幽州大風雪
馬毛如蝟鳴雕弓白檀山高鷹隼疾狐兔殺伐無
留蹤故人再寄蕭郎画寒江釣雪推煙篷展看忽
憶東原客醉吟禁體追潁翁適客江淮意不樂悵
望百里無由逢何當笊箸挂驢背踏雪直過東原
東

冬日讀唐宋金元諸家詩偶有所感各題一
絕于卷後凡七首

元和碑版照千春孔鼎湯盤跡未湮今古才人困
箕口祇應牛斗不能神

退之

星宿羅胸氣吐虹屈蟠兵策畫山東黨牛怨李君

箕口祇應牛斗不能神

退之

星宿羅胸氣吐虹屈蟠兵策畫山東黨牛怨李君
何與青史千秋有至公

牧之

慶曆文章宰相才晚為孟博亦堪哀淋漓大筆千
年在字字華嚴法界來

子瞻

一代高名孰主賓中天坡谷兩嶙峋瓣香只下涪
翁拜宗派江西第幾人

魯直

射虎山頭雪打圍狂來醉墨染弓衣函關渭水何
曾到頭白東吳萬里歸

務觀

載酒西園追昔遊画欄桂樹古今愁蘭成剩有江
南賦落日青山望蔡州

裕之

漢庭老吏果無慙揭後揚前總未堪愛咏君詩當
招隱青山一髮是江南

伯生

帶經堂集卷二十二

題後

同今日也吳心信東起

題後

同今日也吳政信東起

予欲序阮亭先生詩一月而不成同學皆竊笑之
予曰豈唯是乎予昔登泰山至日觀峰窮極巔頂
攬七十二君封禪碑碣及山川雲氣愴怳浩邈之
狀歷歷心目歸至逆旅欲作登泰岱詩一年而不
成乃歎曰昔陶元亮日在廬山不作詠廬山詩太
白蜀人不作峨嵋山詩僅絕句一首亦橫見側出
之而已予美作望嶽詩不過四十字畏難避實所
謂慘澹經營也今人才不逮三君遠甚顧喋喋不
休何爲者也予再遊闕里觀孔子廟堂陵寢松柏

禮樂器其心志聳惕竊見牆壁閒多今人詩有長律至百韻者無一驚人語予笑謂同遊者曰如此詩不作可也及歸至泐上欲作一詩亦一年而不成雖深自愧然自知力弱不足以舉其意寧隱忍而不為予蓋有待云爾今予驟欲序阮亭先生之詩與此二者何以異先生之詩殆如元微之所云盡得古人之體勢而兼昔人之所專能所不能無可無不可詩人以來未有如子美者也謂予能序之乎諸公且視予讀書十年之後縱筆為先生序自不同今日也吳江計東跋

自不同今日也吳江計東跋



禮樂器其心志聳惕竊見牆壁間多今人詩有長
律至百韻者無一驚人語予笑謂同遊者曰如此
詩不作可也及歸至泐上欲作一詩亦一年而不
成雖深自愧然自知力弱不足以舉其意寧隱忍
而不為予蓋有待於爾予驟欲序阮亭先生之
詩與此二者何以異先王之詩殆如元微之所云
盡得古人之體勢而兼昔人之所專能所不能無
可無不可詩人以來未有如子美者也謂子能序
之乎諸公且視予讀書十年之後縱筆為先生序
自不同今日也吳江計東跋

自不同今日也吳江計東跋



